













- Vix primos inopina quies laxaverat artus,  
 Et super incumbens, cum puppis parte revulsa,  
 Cumque gubernaculo, liquidas projecit in undas  
 860 Precipitem, ac socios nequicquam sæpe vocantem.  
 Ipse volans tenues se sustulit ales in auras.  
 Currit iter tutum non secius æquore classis,  
 Promissisque patris Neptuni interrita fertur.  
 Jamque adeo scopulos Sirenium advecta subibat,  
 865 Difficiles quondam, multorumque offibus albos;  
 Tum rauca assiduo longe sale saxa sonabant:  
 Cum pater amisso fluitantem errare magistro  
 Sensit, & ipse ratem nocturnis rexit in undis,  
 Multa gemens, casuque animum concussus amici:  
 870 O nimium cælo & pelago confise sereno,  
 Nudus in ignota, Palinure, jacebis arena.

Vix somnus improvisus occupaverat prima membra, & statim Deus super imitens, impulit, eum parte puppis extracta & cum gubernaculo, illum pronum in undas liquidas, & sæpe implorantem socios frustra. Ipse alatus & volans sustulit se in levem aërem. Classis decurrit mari tutum non minus tutam, & provehitur secunda promissis patris Neptuni. Imo jam progressa radebat rupes Sirenium: quæ asperas & albescentes offibus multorum: tum saxa rauca resonabant procul fluctibus perpetuis; cum pater Æneas agnovit navem ire fluitantem amisso gubernatore, & ipse gubernavit eam per undas obscuras, multum gemens, & turbatus animo ob fortem amicum. O Palinure, aiebat, qui nimis fidisti cælo & mari tranquillo, jacebis inservulus in ignota lare.

## N O T Æ.

Leibæ rore, & fonte apud inferos oblivionem inducente, Georg. 1. 78. & Æn. 6. 705. De Styge, fluvio etiam inferno, Æn. 6. 323.

866. *Natantia lumina.* Fluitantia, quæ nunc aperiantur, nunc clauduntur. De gubernaculo, supra v. 177.

864. *Sirenium scopulos, &c.* Duo quærenda, quæ Sirenes, quæ earum scopuli. I. Sirenes monstra fuerunt; Acheloi fluvii & Calliopes aut Melpomenes Musæ, filiæ tres, *Parthenope*, *Leucosia*, *Ligea*. Varia specie pinguntur: superiore quidem corporis parte femina: inferiore vero gallinæ, aut passeris, aut piperis. Harum una voce, altera ribis, tertia lyra canebat. His delictis nautas præternavigantes in naufragium pelliciebant ad scopulos. Harumque fatum fuit, tamdiu vivere, quamdiu cantantes eas audiens nemo impune prætervehens efferat. At cum Ulysses, monitus a Circe, sociorum aures obturasset cera, seque navis malo alligari jussisset, eaque arte trajecisset incolumis; ideo Sirenes in mare se præcipites dederunt. Nomen, non

a *σῆσι*, *trabo*, quia Sirenes, non Syrenes, appellantur, sed vel a *σῆσι*, *catena*, *fumis*, vel a *σῆσι*, quod interdum est *Asopio*. II. Sedes earum collocatur ad Surrentinum Italiæ promontorium, in mare Tyrrhænum prominens, inter agrum Campanum & Picentium in insulamque Puteolanam & Pæstanam. Sed eam illic plures sint insulæ: imprimis *Capræ*, major insula, Tiberii secessu ac voluptatibus infamis, nunc *Capri*, ad Puteolanam sinum magis accedens: item *Sirenusæ*, scopuli, continenti propioræ ac Pæstano finiti; hinc seferuntur ad *Capræ*, alii in *Sirenusis* locant; optimi qui in *Sirensibus*, nunc absque nomine scopulis. Pæstanus vero sinus nunc est *golfo di Salerno*, Puteolanus, *golfo di Napoli*.

871. *Nudus in ignota, Palinure, &c.* Cætera, quæ ad Palinurum pertinent, describentur Æn. 6. 337. Non enim fluctibus haustus est, sed enatans ab Italici litoris incolis occisus.



